

Članak 11.

DCU priprema listu prioriternih razvojnih programa i projekata u Federaciji i dostavlja je odgovarajućoj komisiji, koju osniva Vlada Federacije.

Komisija je obvezna dati mišljenje na predloženu listu prioriternih programa, na alokaciju planiranih sredstava po sektorima, po kantonima i izvorima financiranja, vodeći računa o prioritetima iz razvojne strategije i drugim pitanjima koja utvrdi Vlada Federacije.

Planiranje i pripremu sastanaka za komisiju iz stavka 1. ovog članka obavljat će DCU.

Konačnu listu prioriternih programa i projekata u Federaciji, kao Program javnih investicija, DCU priprema i dostavlja Vladi Federacije na usvajanje.

DCU će Vladi Federacije, po potrebi, a najmanje jednom godišnje, dostavljati izvješća koja se odnose na implementiranje programa i projekata.

Članak 12.

Postojeće jedinice koje implementiraju tekuće programe i projekte u Federaciji dužne su organizacijskim jedinicama u federalnim ministarstvima, odnosno kantonalnom ministarstvu dostaviti podatke o programima i projektima, a ova ministarstva su dužna dostavljati te podatke Federalnom ministarstvu financija, u cilju ažuriranja centralne baze podataka.

VI - SREDSTVA ZA RAD ORGANIZACIJSKIH JEDINICA

Članak 13.

Sredstva za rad organizacijskih jedinica iz članka 3. ove uredbe, osiguravaju se u proračunu Federacije Bosne i Hercegovine, odnosno iz sredstava međunarodne zajednice za projekte koje te organizacijske jedinice implementiraju.

Sredstva za rad organizacijskih jedinica iz članka 6. ove uredbe, osiguravaju se u proračunu kantona.

Sredstva za rad organizacijskih jedinica iz članka 8. ove uredbe, osiguravaju se u proračunu općine.

VII - PRIJELAZNE I ZAVRŠNE ODREDBE

Članak 14.

Federalna ministarstva iz članka 3. ove uredbe obvezna su, uz suglasnost Vlade Federacije, u roku od 30 dana od dana stupanja na snagu ove uredbe, usuglasiti svoje pravilnike o unutarnjoj organizaciji sa ovom uredbom.

Članak 15.

Vlada kantona će u roku od 30 dana od dana stupanja na snagu ove uredbe donijeti odgovarajuća akta iz čl. 6. i 8. ove uredbe.

Kantonalno ministarstvo u kojem će biti organizacijska jedinica, odnosno općinski načelnik za općinsku službu za upravu u kojoj će biti organizaciona jedinica, dužni su, u roku od 15 dana od dana donošenja akta iz stavka 1. ovog članka, uskladiti svoje pravilnike o unutarnjoj organizaciji sa odredbama ove uredbe.

Članak 16.

Oprema koja je osigurana na osnovu Memoranduma o razumijevanju između Vlade i IMG (The International Management Group) za Projekat kadrovske i institucionalnog jačanja, kao i baza podataka ino-pomoći prenosi se u nadležnost odgovarajuće organizacijske jedinice iz čl. 3, 4, 6. i 8. ove uredbe.

VIII - STUPANJE NA SNAGU

Članak 17.

Ova uredba stupa na snagu narednog dana od dana objave u "Službenim novinama Federacije BiH".

V broj 449/03
4. rujna 2003. godine
Sarajevo

Premijer
dr. Ahmet Hadžipasić, v. r.

474

Na osnovu člana 64. stav 1. Zakona o državnoj službi u Federaciji Bosne i Hercegovine ("Službene novine Federacije BiH", broj 29/03) i člana 19. stav 1. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95 i 19/03), Vlada Federacije Bosne i Hercegovine, donosi

UREDBU

O OSNIVANJU AGENCIJE ZA DRŽAVNU SLUŽBU
FEDERACIJE BOSNE I HERCEGOVINE

Član 1.

Ovom uredbom osniva se Agencija za državnu službu Federacije Bosne i Hercegovine (u daljem tekstu: Agencija) i uređuje djelokrug, organizacija i rukovođenje Agencijom.

Član 2.

Agencija je samostalna stručna služba za obavljanje poslova utvrđenih Zakonom o državnoj službi u Federaciji Bosne i Hercegovine (u daljem tekstu: Zakon).

Član 3.

Sjedište Agencije je u Sarajevu.

Agencija može imati detaširana odjeljenja u kantonima za obavljanje poslova iz nadležnosti Agencije.

Osnivanje odjeljenja iz stava 2. ovog člana i njihova nadležnost, uređuje se pravilnikom o unutrašnjoj organizaciji Agencije.

Član 4.

Sredstva za rad Agencije osiguravaju se u Budžetu Federacije Bosne i Hercegovine.

Član 5.

Agencija, u skladu sa Zakonom, obavlja sljedeće poslove, i to:

- 1) utvrđuje jedinstvene kriterije, pravila i postupke selekcije, imenovanja i postavljanja državnih službenika u organima državne službe u Federaciji Bosne i Hercegovine (u daljem tekstu: Federacija), u skladu sa Zakonom;
- 2) planira i realizuje proces zapošljavanja državnih službenika, na zahtjev i u skladu sa potražnjom organa državne službe;
- 3) organizuje i realizuje stručno obrazovanje i usavršavanje državnih službenika zaposlenih u organima državne službe, kao i razvoj državne službe;
- 4) organizuje edukaciju kandidata za polaganje stručnog ispita za državnu službu koji predstavlja uvjet za rad u organu državne službe;
- 5) pruža stručnu pomoć organima državne službe u realizovanju njihove kadrovske politike, organizacijskih poboljšanja i razvoja, kao i uspostavljanje i vođenje registra državnih službenika;
- 6) podnosi godišnji izvještaj o stanju kadrova u organima državne službe u Federaciji i podnosi svoj plan rada za narednu godinu Vladi Federacije na odobravanje;
- 7) obavlja ostale poslove i zadatke koji su joj Zakonom stavljeni u nadležnosti.

Član 6.

Radom Agencije rukovodi direktor Agencije.

Direktora Agencije imenuje Vlada Federacije, na osnovu javnog konkursa, u skladu sa Zakonom.

Direktor Agencije ima status sekretara organa državne službe, a u pogledu rukovođenja ima prava i obaveze rukovodioca organa državne službe.

Direktor Agencije za svoj rad i rad Agencije odgovara Vladi Federacije.

Član 7.

Za direktora Agencije može biti imenovana osoba koja ispunjava uvjete utvrđene Zakonom.

Član 8.

U Agenciji mogu postojati radna mjesta pomoćnika direktora Agencije, što se utvrđuje u pravilniku o unutrašnjoj organizaciji Agencije.

Član 9.

Na prava i obaveze iz radnog odnosa državnih službenika u Agenciji primjenjuju se propisi koji važe za državne službenike u organima državne službe u Federaciji.

Član 10.

Organizacija i rad Agencije utvrđuje se pravilnikom o unutrašnjoj organizaciji kojeg donosi direktor Agencije, uz saglasnost Vlade Federacije.

Direktor Agencije donijet će pravilnik iz stava 1. ovog člana u roku od 30 dana od dana imenovanja za direktora.

Član 11.

Ova uredba stupa na snagu narednog dana od dana objavljivanja u "Službenim novinama Federacije BiH".

V broj 452/03

4. septembra 2003. godine
Sarajevo

Premijer

dr. **Ahmet Hadžipašić**, s. r.

Na temelju članka 64. stavak 1. Zakona o državnoj službi u Federaciji Bosne i Hercegovine ("Službene novine Federacije BiH", broj 29/03) i članka 19. stavak 1. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95 i 19/03), Vlada Federacije Bosne i Hercegovine, donosi

UREDBU**O OSNIVANJU AGENCIJE ZA DRŽAVNU SLUŽBU
FEDERACIJE BOSNE I HERCEGOVINE**

Članak 1.

Ovom uredbom osniva se Agencija za državnu službu Federacije Bosne i Hercegovine (u daljnjem tekstu: Agencija) i uređuje djelokrug, organizacija i rukovođenje Agencijom.

Članak 2.

Agencija je samostalna stručna služba za obavljanje poslova utvrđenih Zakonom o državnoj službi u Federaciji Bosne i Hercegovine (u daljnjem tekstu: Zakon).

Članak 3.

Sjedište Agencije je u Sarajevu.

Agencija može imati detaširana odjeljenja u kantonima za obavljanje poslova iz nadležnosti Agencije.

Osnivanje odjeljenja iz stavka 2. ovog članka i njihova nadležnost, uređuje se pravilnikom o unutarnjoj organizaciji Agencije.

Članak 4.

Sredstva za rad Agencije osiguravaju se u Proračunu Federacije Bosne i Hercegovine.

Članak 5.

Agencija, u skladu sa Zakonom, obavlja sljedeće poslove, i to:

- 1) utvrđuje jedinstvene kriterije, pravila i postupke selekcije, imenovanja i postavljanja državnih službenika u organima državne službe u Federaciji Bosne i Hercegovine (u daljnjem tekstu: Federacija), sukladno Zakonu;
- 2) planira i realizira proces upošljavanja državnih službenika, na zahtjev i sukladno potražnji organa državne službe;
- 3) organizira i realizira stručno obrazovanje i usavršavanje državnih službenika uposlenih u organima državne službe, kao i razvitak državne službe;

- 4) organizira izobrazbu kandidata za polaganje stručnog ispita za državnu službu koji predstavlja uvjet za rad u organu državne službe;
- 5) pruža stručnu pomoć organima državne službe u realiziranju njihove kadrovske politike, organizacijskih poboljšanja i razvitka, kao i uspostavu i vođenje registra državnih službenika;
- 6) podnosi godišnji izvješće o stanju kadrova u organima državne službe u Federaciji i podnosi svoj plan rada za narednu godinu Vladi Federacije na odobravanje;
- 7) obavlja ostale poslove i zadatke koji su joj Zakonom stavljani u nadležnosti.

Članak 6.

Radom Agencije rukovodi ravnatelj Agencije.

Ravnatelj Agencije imenuje Vlada Federacije, na temelju javnog natječaja, sukladno Zakonu.

Ravnatelj Agencije ima status tajnika organa državne službe, a u pogledu rukovođenja ima prava i obveze rukovoditelja organa državne službe.

Ravnatelj Agencije za svoj rad i rad Agencije odgovara Vladi Federacije.

Članak 7.

Za ravnatelja Agencije može biti imenovana osoba koja ispunjava uvjete utvrđene Zakonom.

Članak 8.

U Agenciji mogu postojati radna mjesta pomoćnika ravnatelja Agencije, što se utvrđuje u pravilniku o unutarnjoj organizaciji Agencije.

Članak 9.

Na prava i obveze iz radnog odnosa državnih službenika u Agenciji primjenjuju se propisi koji važe za državne službenike u organima državne službe u Federaciji.

Članak 10.

Organizacija i rad Agencije utvrđuje se pravilnikom o unutarnjoj organizaciji kojeg donosi ravnatelj Agencije, uz suglasnost Vlade Federacije.

Ravnatelj Agencije donijet će pravilnik iz stavka 1. ovog članka u roku od 30 dana od dana imenovanja za ravnatelja.

Članak 11.

Ova uredba stupa na snagu narednog dana od dana objave u "Službenim novinama Federacije BiH".

V broj 452/03

4. rujna 2003. godine
Sarajevo

Premijer

dr. **Ahmet Hadžipašić**, v. r.

На основу члана 64. став 1. Закона о државној служби у Федерацији Босне и Херцеговине ("Службене новине Федерације БиХ", број 29/03) и члана 19. став 1. Закона о Влади Федерације Босне и Херцеговине ("Службене новине Федерације БиХ", бр. 1/94, 8/95 и 19/03), Влада Федерације Босне и Херцеговине доноси

УРЕДБУ**О ОСНИВАЊУ АГЕНЦИЈЕ ЗА ДРЖАВНУ СЛУЖБУ
ФЕДЕРАЦИЈЕ БОСНЕ И ХЕРЦЕГОВИНЕ**

Члан 1.

Овом уредбом оснива се Агенција за државну службу Федерације Босне и Херцеговине (у даљем тексту: Агенција) и уређује делокруг, организација и руковођење Агенцијом.

Члан 2.

Агенција је самостална стручна служба за вршење послова утврђених Законом о државној служби у Федерацији Босне и Херцеговине (у даљем тексту: Закон).

Члан 3.

Сједиште Агенције је у Сарајеву.